

NOVENA BA FESTA JEZÚS NIA FUTAR FUAN SANTU NIAN

Loron 1º - FUAN AMAVEL

"Banati tuir Ha'u, tan Ha'u laran maus no haraik An no imi sei hetan kmaan ba imi klamar" (Mt 11,28).

Jezús nia futar Fuan ne'ebé ema bele hadomi, Fuan moos no santu, nakonu ho domin. Fuan konu ho perfeisaun no virtude sira. Ita mak fuan hotu nia sentru no it amerese ami-nia domin. Harahun iha ami buat hotu ne'ebé hanetik atu ami sau Ita-nian. Jezús, ami hakarak hadomi buat hotu iha Ita no hadomi Ita iha buat hotu.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 2º - FUAN DOMIN-NA"IN

"Maromak hadomi tebes mundu to'o fó Nia Oan Mane mesak, atu ema hotu ne'ebé fiar Nia la bele lakon, maibé hetan moris rohan laek" (Jo 3,16).

Jezús nia Futar Fuan, nakonu ho domin ba ema hotu, tanba sá mak ami la korresponde no trata Fuan Santu ho desprezu? Ami la hatene agradese no la hatene hadomi Ita liu sasán hotu. Konverte ami bá no ami sei konverte an.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 3º - FUAN NE"EBÉ HAKARAK ATU EMA HADOMI NIA

"Ema ne'e sé atu ita hanoin nia, ka ema nia oan atu ita tau matan ba nia? Maibé ita halo nia atu hanesan Maromak, ita hafutar nia ho glória no furak, halo nia na'i ba ita liman nia hahalok sira-nian, tau buat hotu iha nia ain okos" (Sl 8,5-7)

Jezús nia Futar Fuan, Fuan ne'ebé hakarak atu ema hadomi, atu ema haksolok iha domin ba Nia, loloos, tanba ami-nia salan sira, ami merese horik dook husi Ita-nia grasa. Maibé Ita continua buka ami-nia domin. Halo atu ami hadomi maka'as ita depoizde ofende maka'as ita

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 4º - FUAN NE'EBÉ TERUS

“Na’i Jezús, iha kalan nebe ema saran Nia, kaer paun, ²⁴no fo tiha agradese, Nia silu nia hodi dehan: “Ne’e ha’u nia isin nebe saran ba imi. Halo ida ne’e hodi hanoin ha’u.” ²⁵Nune’e’e mos, kalis wainhira han kalan hotu tiha hodi dehan, “Kalis ne’e mak aliansa foun iha Ha’u nia ran. Halo ida ne’e, wainhira imi hemu nia, hodi hanoin Ha’u” (1Cor 11,23b-25).

Jezús nia futar Fuan ne’ebé terus, ami hakarak soe dook buat hotu ne’ebé la halo ita kontente. Haraik mai ami laran hakribi ba salan hodi halo ami evita salan ki’ik no kmaan sira mós, tanba de’it sira la haksolok Ita, Ita ne’ebé soi atu ema hadomi ita liu sasán hotu. Haraik mai grasa, ó Na’i Makso’in domin-na’in. Ba Ita ami dirije hodi dehan Ó ha’u-nia Jezús, haraik mai ami Ita-nia domin!

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne’ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na’i.

Amén!

Loron 5º - FUAN MIZERIKORDIOZU

“¹⁴Ha’u mak bibi atan di’ak, Ha’u hatene Ha’u nia bibi sira, no Ha’u nia bibi sira hatene Ha’u. ¹⁵Nudar Aman hatene Ha’u, nune’e’e mós Ha’u hatene Aman; no Ha’u saran Ha’u nia moris ba Ha’u nia bibi sira. ¹⁶Ha’u sei iha tan bibi seluk ne’ebé seidauk tama iha bibi luhan ida ne’e. Ha’u sei dada móssira mai. Sira sei rona Ha’u nia lia, no sei iha bibi luhan ida de’it ho bibi atan ida de’it” (Jo. 10, 14-16).

Jezús nia futar Fuan mizerikordiozu, maski ami monu ba desgrasa, Ita-nia laran-di’ak leno ami no oferese perdaun mai ami. Haraik mai ami grasa atu tanis ba ami-nia salan sira no hakarak Ita-nia domin. Keta husik atu hanoin nafatin ami, ami-nia doben Jezús. Ami husulta-nia mizerikórdia ne’ebé haraik mai grasa atu nunka sai ema sira ne’ebé laran-makerek no la hatene agradese.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne’ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na’i.

Amén!

Loron 6º - FUAN JENREOZU

“²²Iha oras ne’ebá feto Kanaan ida ne’ebé mai husi rai ne’ebá hahu hakilar: “Na’i, David nia Oan, hanoin ha’u: diabu fó terus boot ba ha’u nia oan feto.” ²⁵... Feto ne’e mai hakneak iha Nia oin, dehan: “Na’i, tulun ha’u!” ²⁶Nia simu: “Hola oan sira nia aihan hodi soe ba asu oan sira la di’ak!” ²⁷Feto ne’e dehan fali: “Ne’e loos duni, Na’i; maibé asu oan sira mós han etu rahun ne’ebé monu husi sira na’in nia meza.” ²⁸Jezús hatán ba nia: “Feto, ó nia fiar boot tebes! Halo duni tuir ó hakarak.” Iha oras ne’ebá, nia oan feto hetan fali isin di’ak” (Mt 15,22. 25-28).

Jezús nia futar Fuan Jenerozu, Ita mak iha kbiit atu halo ami nia fuan sira hanesan Ita-nian. Ami mesak de'it, ami labele halo buat ida, maibé Ita haraik mai ami hakaran atu hadomi Ita. Tan ne'e, óh ha'u doben Jezús, halo atu hori ohin ba oin Ita-nia vontade santa mak sai inspirasaun mai ami-nia hanoin sira, hakaran sira no hahalok sira.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 7º - FUAN GRATIDAUN NIAN

“Pedro hasa'e lia dehan: “Be ami ne'ebé husik tiha buat hotu hodi tuir Ita Boot: ami sei hetan kolen sa ida?”²⁸ Jezús dehan ba sira: “Ha'u dehan lialoos ba imi katak iha mundu foun, wainhira Oan Mane tur iha nia kadunan glória nian, imi ne'ebé tuir Ha'u sei tur mós iha kadunan sanulu resin rua atu tesi lia ba suku sanulu resin rua Israel nian.²⁹ Ema hotu ne'ebé husik uma, maun alin, feton, aman, inan, oan sira ka rai, tan ha'u nia naran, sei simu dala atus ida liu tan hodi hetan mósmoris rohan laek nu'udar liman rohan” (Mt 19,27-29).

Jezús nia futar Fuan eukarístiku, ne'ebé sempre hatudu agradesimentu mai ami, maski ba bee kopu ida de'it, ka ba osan doit ida, haraik perdaun mai ami nia ingratidaun sira. Halo atu ami hadomi Ita liu sasán hotu no ba moris tomak. Halo atu ami mós hatene rekoñese Ita-nia vontade santa hodi Ita-nia grasa.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 8º - FUAN NE'EBÉ EMA DESPREZA

“³⁹Ema aat sira ida, ne'ebé tara hela, koalia aat Nia, dehan: “Ó mak Messias karik, soi ó an rasik, no mós ami!”⁴⁰ Maibé ida seluk haksi'ak nia, dehan: “Ó mós hetan terus ne'e, o la tauk Maromak?”⁴¹ Tuir duni justisa mak ita hetan kastigu, tan ita nia hahalok aat; maibé ema ne'e la halo aat ida.”⁴² Hafoin nia dehan ba Jezús: “Na'i, hanoin ha'u wainhira Ita to'o Ita nia reinu.”⁴³ Jezús hatán ba nia: “Tebes, Ha'u dehan ba ó: ohin kedas ó sei hamutuk ho Ha'u iha lalehan.” (Lc. 23, 39-43).

Jezús nia futar Fuan, bee-matan mizerikódia no domin nian, keta husik atu ami despreza Ita-nia terus sira. Keta husik ami haluha matan-been no raan ne'ebé ita fakar mai ami. Perdua ami bá, Na'i. Halo atu ami hamate iha ami buat aat hotu atu vele moris iha Ita-nia domin.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!

Loron 9º - FUAN FIÉL

¹⁶Keta bosok an, maun alin doben sira! ¹⁷Prezente di'ak ida-ida no kmanek loloos ida-ida mai housi lalehan, housi Maromak nebe hakiak naroman lalehan nian. Nia la muda ka halo nakukun mosu mai. ¹⁸Hodi Nia rasik nia hakarak, Nia hakiak ita housi liafuan lialoos nian atu ita bele sai kriatura hot-hotu nia ulun". (Tg 1, 16-18).

Jezús nia futar Fuan, fiél ba kriatura sira hotu, dala hira mak ami depoizde promete atu sai Ita-Boot nian tomak, ami nega fali ita. Ami rekoñese ami-nia ingratidaun sira no ho sinseridade ami hakarak konverte an. Hamans ami-nia fuan sira ho ahi domin nian ne'ebé halakanIta-nia futar Fuan.

Ami Aman, Ave Maria, Glória ba Padre.

Sagrado Coração de Jesus, fazei que vos amemos cada vez mais.

ORASAUN – Maromak, ne'ebé iha Ita Oan nia Futar Fuan, kanek tan ami salan sira, Ita haraik rikusoin infinitu domin nian, halo atu ami oferese reparasaun loloos hodi konsagra ami-nia moris tomak. Hodi Kristu ami Na'i.

Amén!